

## 关于除夕的名言名句

1.  
旅馆寒灯独不眠，客心何事转凄然？故乡今夜思千里，霜鬓明朝又一年。  
——高适《除夜作》
2.  
今夕为何夕，他乡说故乡。看人儿女大，为客岁年长。戎马无休歇，关山正渺茫。一杯椒叶酒，未敌泪千行。  
——袁凯《客中除夕》
3.  
旅馆谁相问？寒灯独可亲。一年将尽夜，万里未归人。寥落悲前事，支离笑此身。愁颜与衰鬓，明日又逢春。  
——戴叔伦《除夜宿石头驿》
4.  
五更钟漏欲相催，四气推迁往复回。帐里残灯才去焰，炉中香气尽成灰。  
渐看春逼芙蓉枕，顿觉寒销竹叶杯。守岁家家应未卧，相思那得梦魂来。  
——孟浩然《除夜有怀》
5.  
病眼少眠非守岁，老心多感又临春。火销灯尽天明后，便是平头六十人。  
——白居易《除夜》
6.  
欢笑情未极，赏至莫停杯。酒中挑喜子，粽里觅杨梅。帘开风入帐，烛尽炭成灰。  
勿疑鬓钗重，为待晓光来。  
——徐君倩《共内人夜坐守岁》
7.  
天地风霜尽，乾坤气象和。历添新岁月，春满旧山河。梅柳芳容徧，松篁老态多。  
屠苏成醉饮，欢笑白云窝。  
——叶颙《已酉新正》

8.  
事关休戚已成空，万里相思一夜中。愁到晓鸡声绝后，又将憔悴见春风。  
。——来鹄《除夜》

9.  
心六十三除夕，都在慈亲膝下过。今日慈亲成永诀，又逢除夕恨如何？  
素琴将鼓光阴速，椒酒虚供涕泪多。只觉当初欢侍日，千金一刻总蹉跎。  
。——袁枚《伤心》

10.  
昨夜斗回北，今朝岁起东。我年已强仕，无禄尚忧农。桑野就耕父，荷  
锄随牧童。田家占气候，共说此年丰。——孟浩然《田家元日》

11.  
巧裁幡胜试新罗，画彩描金作闹蛾。从此剪刀闲一月，闺中针线岁前多。  
。——查慎行《凤城新年辞》

12.  
柴米油盐酱醋茶，般般都在别人家。岁暮清淡无一事，竹堂寺里看梅花。  
。——唐伯虎《除夕口占》

13.  
乾坤空落落，岁月去堂堂。末路惊风雨，穷边饱雪霜。命随年欲尽，身  
与世俱忘。无复屠苏梦，挑灯夜未央。——文天祥《除夜》

14.  
千家笑语漏迟迟，忧患潜从物外知，悄立市桥人不识，一星如月看多时。  
。——黄景仁《癸巳除夕偶成》

15.  
爆竹声中一岁除，春风送暖入屠苏。千门万户瞳瞳日，总把新桃换旧符。  
。——王安石《元日》

16.

岁阴穷暮纪，献节启新芳。冬尽今宵促，年开明日长。冰消出镜水，梅散入风香。对此欢终宴，倾壶待曙光。——李世民《除夜》

17.

除夕更阑人不睡，厌襊钝滞迫新岁。小儿呼叫走长街，云有痴呆召人卖。——范成大《卖痴呆词》

18.

昨夜斗回北，今朝岁起东。我年已强壮，无禄尚忧农。桑野就耕父，荷锄随牧童。田家占气候，共说此年丰。——孟浩然《田家元日》

19.

北风吹雪四更初，嘉瑞天教及岁除。半盏屠苏犹未举，灯前小草写桃符。——陆游《除夜雪》

20.

暮景斜芳殿，年华丽绮宫。寒辞去冬雪，暖带入春风。阶馥舒梅素，盘花卷烛红。共欢新故岁，迎送一宵中。——李世民《守岁》

21.

千家笑语漏迟迟，忧患潜从物外知。悄立市桥人不识，一星如月看多时。——黄景仁《癸巳除夕偶成》

22.

感时思弟妹，不寐百忧生。万里经年别，孤灯此夜情。病容非旧日，归思逼新正。早晚重欢会，羁离各长成。——白居易《除夜寄弟妹》

23.

寄语天涯客，轻寒底用愁。春风来不远，只在屋东头。——于谦《除夜太原寒甚》

24.

守岁阿戎家，椒盘已颂花。盍簪喧枥马，列炬散林鸦。四十明朝过，飞腾暮景斜。谁能更拘束，烂醉是生涯。——杜甫《杜位宅守岁》

25.

寒灯耿耿漏迟迟，送故迎新了不欺。往事并随残历日，春风宁识旧容仪。预惭岁酒难先饮，更对乡雠羨小儿。吟罢明朝赠知己，便须题作去年诗。——徐铉《除夜》

26.

兀兀坐无味，思量谁与邻。数星深夜火，一个远乡人。雁翥天微雪，风号树欲春。愁章自难过，不觉苦吟频。——卢延让《冬除夜书情》

27.

今夕为何夕，他乡说故乡。看人儿女大，为客岁年长。戎马无休歇，关山正渺茫。一杯柏叶酒，未敌泪千行。——袁凯《客中除夕》

28.

闲居寡言宴，独坐惨风尘。忽见严冬尽，方知列宿春。夜将寒色去，年共晓光新。耿耿他乡夕，无由展旧亲。——骆宾王《西京守岁》

29.

畴昔通家好，相知无间然。续明催画烛，守岁接长筵。旧曲梅花唱，新正柏酒传。客行随处乐，不见度年年。——孟浩然《岁除夜会乐城张少府宅》

30.

迢递三巴路，羈危万里身。乱山残雪夜，孤独异乡人。渐与骨肉远，转于童仆亲。哪堪正飘泊，明日岁华新。——崔涂《巴山道中除夜有作》

31.

不求见面惟通谒，名纸朝来满敝庐。我亦随人投数纸，世情嫌简不嫌虚。——文征明《拜年》

本文链接：<https://duanjuziku.com/duanjuzi/n9servxbmz.html>